

PUTZU NURÀGICU DE BAU CRABAS DE SANTU 'ASILI

Esploremus su putzu sacru de Bau Crabas de Santu 'Asili, fraigadu prus de 3000 annos a oe dae sa populazione nuràgica de sa zona in su Trexenta e chi galu funtzionat!

In sa localidade de Bau Crabas s'agatant is restos de duos putzos sacros de s'època Nuràgica, postos a unos 115 m de distàntzia s'unu dae s'àteru.

Su primu putzu si presentat belle totu tudadu, sunt visibles petzi is primos 4 filares cònicos, cuddos postos in manera frontale respetu a s'intrada esposta a otzidente.

Su segundu si presentat in un'istadu de cunservazione bonu meda, cun s'intrada formada dae una iscalinada mesuinterrada.

Sa forma tzilindrica sua tenet unu diàmetru de unos 2 m e una profundidade de unos 3 m est costruidu cun blocos de pedra assentados s filares horizontales tìpicos de s'Època Nuràgica.

Sa presèntzia de duos putzos sacros a pagu tretu unu de s'àteru faghet pessare a unu tzentru sacru de importu mannu.

Ite sunt is putzos sacros nuràgicos?

Su putzu sacru, naradu fintzas “tèmpiu a putzu”, est un'edifitziu de edade nuràgica destinadu a su cultu de is abbas, cumpostu dae unu pàtiu, un'iscale e una càmera suterrànea.

Sa mitza sagrada est coemte su putzu sacru ma ddoe si diferèntziat pro s'ausèntzia de s'iscale, sende chi sa bena est a su livellu de su terrenu.

Su nùmeru de custos monumentos, chi in comintzu Giovanni Lilliu cuantificaiat a inghiriu a is 50, a pustis de sutzessivos istùdios e chircas diat pòdere superare finas su nùmeru de 300.

Sa datazione issoro est fortzis cumpresa intre sa metade de su Brunzu reghente (1200 a.C.) e sa prima Edade de su Ferro (cumintzu de su primu millènniu a.C.).

Comente arribbare a su putzu sacru de Bau Crabas:

Lòmpidos a Santu 'Asili de Arixi (fratzione de Senorbi) colende in sa SP23, in pessu chi in antis de intrare a sa bidida, bisòngiat girare a manu dereta, intrende in sa bia de Dante e sighende is indicos pro Santu Andria 'e Frius. Sa bia de Dante a pustis de unu giru mannu, intrat in sa bia de Tzircunvallatzione. A pustis de 230 metros sa tzircunvallatzione de Santu 'Asiligirade a manca. Pro andare a bisitare is tèmpios nuràgicos a putzu bisòngiat imbetzes sighire deretos intrende su caminu chi andat cara a sud ovest. Fatos 600 metros bisòngiat furriare a manca, imbucandu in unu caminu in calada chi a bellu a bellu diventi prus istrintu. A custu puntu a pustis de 1,1 km si chircat de parcheggiare in s'uru de su caminu.

Su primu putzu nuràgicu s'agatat a manca deretu a pustis de unu cantzellu ispanu in ue est presente unu cartellu de proibizione de cassa. Pro bisitare su segundu tèmpiu a putzu imbetzes bisòngiat colare in su camineddu arburadu a manca a pustis de su cartellu chi dd'inditat, e brincare su tumberinu de su segundu cantzellu (serradu) e in pagos passo diamus a dae in antis su putzu nuràgicu, cuadu in parte dae su boscu.

Artìculu originale

<https://thesilentube83.wordpress.com/2020/10/18/pozzo-sacro-nuragico-di-bau-crabas-a-san-basilio/>

